

در سعادتده یکی پوسته خانه قارشوسنده  
دايره مخصوصه در  
محل ارامه:

# مستطابق

۱۳۲۶

دين، فلسفه، ادبيات، حقوق و علوم دن باحث هفته لق رساله در

مسلكمزه موافق آثار جديده مع المنونيه قبول اولنور  
در حج ايديلمين آثار اعاده اولغاز

اخطار:

مؤسسلرى: ابوالعلا زين العابدين - ح. اشرف اديب

سنه لى الق ايلغى

در سعادتده	۶۰	۳۰
ولاياتده	۹۰	۵۰
ممالك اجنبيهده	۱۰۰	۵۰ غروشدره

تاريخ تاسيسى:  
۱۱ نموز ۳۲۴

در سعادتده نسخه سى ۵۰ پاره در

قيريله دن مقوا بورو ايله كوندريليرسه سنوى  
۲۰ غروش فضله آلنير.

در سعادتده پوسته ايله كوندريليرسه ولايات بدلى اخذ اولنور.

عدد: ۵

۳۲۶ شعبان ۲۸ پنجشنبه ۱۱ ايلول ۳۲۴

برنجى سنه

اسلامه، اصول اداره اسلامه، افعال و اخلاق اهل اسلامه واقف اولسی ایجاب ایده جکندن بونک خلافتی ناطق مطالعانه خامهران اولمق بحق جالب مؤاخذه اوله بیلور ظن ایدرم. هله اسلامک علماً، صناعتاً، ادباً، عدلاً سعادت بشره ایتمیکی خدمات مجله، الی الابد پایدار اولان مآثر علم و عرفانی ایله، وقائع ماضیه سیله، وثائق تاریخیه ایله مثبت و مبرهن ایکن بوندن توافل ایتمک هیچ بریده هیچ بروقت هیچ بروجه ایله شعار فضیلت عد اولنه ماز.

مشورت بزه، بز مشورته بیکانه دکلز، مشورت بزم ایچون یکی، پک یکی برشی دکلز. عهد کزین حضرت پیغمبریدنبری بز مشورت ایله مانوس و مأوفز.

«وامرهم شوری بینهم»

بزخیره دعوت و بالخاصه امر بالمعروف، نهی عن المنکر ایله مأمورز. جناب منزل الفرقان بزه بونی شو وجهله امر ایدیور: «ولتکن منکم .. الآية».

قرآن کریمده بونظم جلیلدن اول ذکر اولتان آیاتده جناب حق مؤمنلره تکمیل و تهذیب نفسی امر ایتمکدن صکره بو آیتده، تکمیل و ارشاد غیری امر ایلوب بیور یورکه: سزندن خیره دعوت ایدر و [بالخاصه] امر بالمعروف و نهی عن المنکر ایلر برجاعت بولنسون. فلاح بولانلر انلردر [کال فلاحه مختص اولانلر ایشته بوصفات فاضله ایله تمیز ایدن اوجاعتدر].

معروف: شرع و عقلک استحسان ایتمیکی.. و منکر: شرع و عقلک قبیح کوردیکی شیلردر. دعوت الی الخیر، ذینی و یادیوی صلاحی متضمن اولان شیئه دعوت دیمک اولدیغی جهتله، امر بالمعروف و نهی عن المنکر دعوت الی الخیره مندرج ایکن بونلرک خاصه ذکر اولنلری سائر امور خیره اوزرینه فضل و رجحانلرینی اظهار ایچوندر.

آیت کریمده جله امته توجیه خطاب ایتمیشکن امر بالمعروف و نهی عن المنکرک پیشوا برجاعت فاضله به تخصیص بیورلسیده، مفسرین کرام حضرانی طرفندن تقریر ایلدیکی اوزره بو مهم و وظیفه فرض کفایه اولوب سائر فروض کفایه کبی امر بالمعروف و نهی عن المنکرک دخی بتون امته واجب اولدیغی و فقط هپسنک برلکده بو وجیهه ای اقامه ایتمسی صورتیه جله و واجب اولیوب بلکه بهضیلری اقامه ایدرسه باقیسندن ساقط اولدیغی و شاید هپ بردن بو وجیهه یی ترک ایدرلرسه جله آثم و کفکار اولدقربی افهام ایچوندر. برده امر بالمعروف و نهی عن المنکر و جیهه سی جلائل اموردن اولوب احکام الهیهه و مراتب احتسابه و بونلرک صور اجرائیه سنه آشنا اولمق کبی قیود ایله مشروط اولدیغنه و بواوره و قوف خصوصنجه ایسه افراد امت متساوی بولمدیغنه منی بو وجیهه یی امت ایچنده انجق فضیلت و اهلیت ایله تمیز ایدنلری درعهده ایله بیله جکری ایچوندر.

ینه مفسرین کرام حضرانی دیورلرکه: شروط مذکوریه واقف افاضل دانشوران امتدن ماعداسی بواصر خطیره تصدی ایدرلرسه معکوس و مضر نتیجه لر تولد ایدر. چونکه ذکر اولنان شروطه و قوفی اولیانلرک

چوق مضرت واردر. چونکه بوحالده دعوائی محکمه یه و یرمک، او قادیبی جمعیتدن طرد ایتمک دیمکدر. معلومدرکه مدار حکم اولمدن، بینه بولنمدن حاکم حکم ایده من. شمعی اوزواللی زوجک حاللی دوشونکوز، وجداناً موجب تهمت بر حالده بولمدیغنی تصدیق ایتمیکی زوجه سنک حال تهمتئی اثبات ایچون بینه حاضرلیه جق، مختاره، قومشولره مراجعت ایده جک، «بم زوجم شویله بر حالده بولنیور» دیه جک. شاهدلرله برابر یقالامغه چالیشه جق، حتی اسبابنه توسل ایده جک. بونلری سونلکه، یاغنه یوز، وجدان ایستر. بول اوله جق شیئی، و بوده حیاتی...؟

— مابعدی وار —

موسی لاطم

\*\*\*\*\*

اسلام

و

اصول مشورت

اقدام ک ظم ۵۰۹۹ عددلی نسخه سنده اوله جق ایدی که غرب بر افسانه کوردم. برلین دار الفنونک السنه شرقیه شعبه سی مدیری موسیو ادوار ساخارو نامنده بر ذات «نویه فراهه پره سه» جریده سنه «مشروطیت اداره نک آتسی» سرلوحه سیله بر مقاله یازمش. بو مقاله سنده موسیو ادوار بوغاز ایچنده طنین انداز اولان ولوله حیرتک مسرت بخش بر خاتمه یه منجر اولسنی تمنی ایتمکدن صکره اناطولیده برزنکین بکک، «طاوروس» طاعلرنده یشایان بر کرد بکنک، سوریه نک منبت وادیلرنده صاحب املاک و یسار اولان بر مسلمانک قانون اساسی یی نه صورتله تلقی ایتمکربی، بو بابده نه فکر پرورده ایلمکربی محتاج تدقیق کورمش. قرآن کریمده کرچه مشروطیت اداره یه دأثر بعض آیات جلیله و ارایسه ده فعلاً بونلرک اهمیت یوق ایمش. مشروطیت اداره عالم اسلامیت ایچون یکی، پک یکی برشی ایمش. اسلامیت جامدوهر شیئه غیر مساعد بر دین ایمش. اوروپا لیلرک تخیل و تصور ایده میه جکری بر تمصب دینی ایله متحرک بر کتله ایمش. عثمانلی ارباب سیاستی، دولت علیه سفیر و شهیندرلری یالکز در سعادت و نهایت نهایت در سعادت ملحقاتی ایله سالنیک، از میری، بیروتی، شام شریفی بیورلر ایمش. بونکچون بو قوس قوجه قلمرو سلطنتک احوال و مشکلات داخلیه سنندن بیخبرلر ایمش. شوراسنده ترک، بوراسنده چرکس، بریسنده عرب، شویاننده ارناود، اونه طرفده کورجی بولنان بر مملکتده شو اجناس مختلفه نک بر آره ده بر منفعت عامه ایچون چالیشه بیلملری محال اندر محال ایمش. بزه اوله کلیور که موسیو ادوار خاتمه سی فاتحه سنه توافق ایتمیان شو مقاله سنده امت اسلامیه حقنده پک چوق و قوفسزلک کوسترمش و بیوده تلاشلر ایمش. بر آوروپالینک فقدان اطلاع حسیهله شریعت غرای اسلامیه حقنده نفس الامر مطابقی اولمیان مطالعات و محاکاتی عن جهل اولسنه نظراً بر درجه یه قدر معفو اولسنده السنه شرقیه شعبه سی مدیری بولنان بر ذانک حسب المسلك کتب عربیه یه، احکام شریعت



ایندی روامیدرکه مشورت ایله مألوف و مانوس ، و افاضل دانشورانی معرفتیه امر بالمعروف ونهی عن المنکر اتمکه مأمور اولان برامت فاضله مشروطیت ادارهیه بیگانهک ایله اتهام اولنسون؟. دأثره بحث و مناظرهیه توسیع ایچون دیلمکه مشروطیت ادارهیه بیگانه ایتمز . یا بکون بوکامالک اولان اقوام غریبیه بومن الازل برموهبة فطرتدر دیعکه جسارت اولنه جتمی؟ فرانسهک بتون اوروپایه بدرقه حریت اولان انقلاب کبیرندن اولکی حالنه ارجاع نظر ایدم : اون سکزنجی عصر میلادینک اواخرنده اوروپانک دول سائرهسی کبی فرانسه دولتی ده حکومت مطلقه ایله اداره اولنیور ایدی . هیئت حکومت قیصره رومک بالآخره دولترینک انقراضنه باعث اولان فسق و فجورلره مستغرق اولمش و عاداتا بر اصول ظالمانه هیئته کیرمش ایدی . قرالارک اطرافنی المش اولان زادکان طاقی انلری کندیلریله مدار بقاعد ایلدکری براداره فحیمة استبداده تشویق ایدرک شان و شرف زعامتلیخی محافظیه و بالکز صنف ممتازلرینک حقوق موهور . مهسنی ترویجه آلت اتخاذا ایدرلر واهالینک صنوف سائرهنه ایتمک جور و غدر بر اقاظرلر ایدی . فرانسزلر تمک توکنسک بیلز اولان محاربات و اغتشاشات ایله بی تاب دوشمش واسرافاته آرتق اچمه یتشدر مکن عاجز قالمش ایدی . رزالتک مبذول ، عدالتک معدوم اولدیغی اوزمانده بر طرفدن اچلق و دیگر طرفدن خزینهنک مضایقه فوق العادهسی باش کوستروب حال دولت و امت پک آغیرلاشمش ایدی . نهایت قرال اون التنجی لوئی نک زماننده نه بیوک برانقلاب ظهور ایلدیکی و میرابو کبی او انقلاب رجال مشهوره سنک نه عالیجنابانه سو بیلدکری سوزلر ایله میدان حیثه اتیهرق قومک تعالی شاننه نصل رهبرلک ایتدکری ، نهشایان تبجیل همتر ابراز ایلدکری حالا حافظه انامده منقوشدر .

«اسلامیت جامدوهر شینه غیر مساعدر دیندر» دیعکه دبل نصل واریور؟ . ملت اسلامیه عظمت و اجلالک طبقه قصواسنه واصل اولدیغی زمانلرده دین اسلامک سایه فیض حریتنده ایدی که دارالملک اسلامک هر طرفنده مکتبلر ، مدرسدر ، کتبخانهلر ، خسته خانهلر ، کاروانسرایلر یاپلیدی . رصدخانهلر تأسیس ایدلدی . یوللر کشاد اولندی . سیاحتلر ایدلدی . نطق تجارت توسیع قلندی . فنون و صنایع ترقی ایتدی . زراعت و حرایتده یکی اصولر وضع اولندی . بو بولده خارقه لر کوسترلدی . «له فن معماریده اول قدر اعتلا ایتدی لکه سرایلر ، قصرلر ، کاشانهلر ، حوضلر ، فوارهلر کبی ساحه علم و عرفانه قودقلمی مآثر کالاتده اومتین و حزین اسلوبلر اوزمان اساتذہ معماراتی و حتی صکره کبیرینی مقتون لطافتی ایدرک انلری کندیلرینه مشق و تقلید اتخاذا ایدیلر و اوزنه نوب یاپدیلری مانییی او مأوی حسن و بهارک اسملریله تسمیه ایتیلر . اسلامک سایه فیض حریتنده ایدی که قافله قافله علماء ، فقهاء ، حکماء یتشدی . علوم فقہیه توسع ایتدی . پوصله ، باروت ، کاغذ کبی معارف و تجارت و محاربه خصوصلرنده عالمه باعث تغیر اولمش کشفیات و صنایعی موقع استفادهیه قویدیلر . ابن سینا ، ابوبکر رازی ، کندی ، فارابی ، ابن رشد ، عبدالرحمن

منکر ایله امر و معروفدن نهی ایتلمی ، ملایمت یرنده غلظت و غلظت یرنده ملایمت کوسترلمی ، حتی بعض کسانک منکرده تمادی و اصرار لرینی موجب اوله جتق صورتده نهی عن المنکر ایتلمی اغلب احتمالدر .

سرویدرکه سیدالابرار افندمنه : — خیر الناس کیدر؟ . دیه صورلدی ، ذات رسالتا بلریده : — خیر الناس ، اک زیاده امر بالمعروف واک زیاده نهی عن المنکر وحق ایچون اک زیاد اتقا واک زیاده صلہ رحم ایدنلردر . . دیه بیوردی .

ذات نبوتینا هیدن شوده روایت اولنمشدر که : معروف ایله امر و منکردن نهی ایدنلر ، روی زمینده الهک خلیفهسی و رسولنک خلیفهسی و کتابنک خلیفهسی در . . . بیورمشدر .

اسلامده مشروطیت ادارهنک فعلاً اهمیتی یوق دیه حکم ایتک ، انظار مطالعه اوکنده جلی شمشعه اولان و نائق علمیدن کوز یومق دیعکدر . اسلامده و قتیلہ « احکام سلطانیه » نامیله اصول اداره تأسیس ایدیلرک تامقام معالی خلافت و سلطنتدن محتسبلره [ بلدیہ مأمورلرینه ] ، شرطلره [ پولیسلره ] ، جانداریلره [ ژاندارمه لره ] قدر باجله مأمورین و مستخدمینک وظائفی کوسترلمش و « رعیه یعنی تبعه اوزرینه تصرف مصلحته منوطدر » دستوری شعبات ادارهنک هر یرنده اس اساس اتخاذا قلنمشدر .

حضرت عمر برکون خطبه ایراد ایدرکن : — شاید بنم بر ایگریلکم کوریلورسه دوزلتسون . . . دیمش ایدی . سامعیندن بری قالقوب : — سنک ایگریلکن کورر ایسک قلیج ایله دوزلتیرز . . . دیعسیله ، حضرت عمر : — شکر اللهه که بو امتده عمرک ایگریلکنی قلیجیه دوزلته جک کیسه لر یاراندی . . . دیه ثناخوان اولدی . نقل اولنورکه ملوک امویه دن عبدالملکک اوغلی مسلمه کبار تابعیندن ابو حازم حضرتلرینه : — سز بزه « واولی الامر منکم » نظم جلیلی حکمنجه اطاعت ایله مأمور دکلمی سکز؟ . . . دیدی . ابو حازم حضرتلری : — اوت ، فقط حقه مخالفت ایتدی کک ز زمان « فان تنازعتم فی شی فردوه الی الله و الرسول » امر شریفی ایله سز دن حلیه مطاعیت نزع اولنمشدر ، دکلمی؟ . . . دیه جواب ویردی .

بو حق مقاومت و اصول مراقبه امت سایه سنده ایدی که دولت محمدیه عقاب سطوت و عظمتک ایکی جناحنی شرق و غرب عالمه یاپدی . قتیبه و موسی بن نصیر و عبد الرحمن و عقبه کبی قهرمانلرک دستبرد غیرتلیله تقریباً بر عصر ایچنده حدود دارالاسلام کاملاً افریقا سواحلی ایله اوروپانک جنوب غریبسنه و آسیانک همان بتون ممالک معموره سنه یاییلهرق عالمک ایکی اوچنه طیانیدی . چیندن تا فرانسه ایچندن کچن « لوار » نهرینه قدر ربع مسکونی احاطه ایتدی . بوقع اولنان یرلر رومالولرک سکز یوز سنه ظرفنده قبضه تسخیره آدقلمی ممالک و بلداندن عدد و وسعجه پک چوق زیاده ایدی . مسلمانلر قمع ایتدکری پرلده جاذبه فضیلت و عدل و حقانیتلی ایله قلوب ناسی جلب ایدیلور و ناس کندیلرینه عن صمیم القلب محب و مطیع تبعه و حتی عسکر و لشکر اولیورلر ایدی .



بن خلدون کبی حکماء، اطباء، مؤرخین ظهور ایلدی . او حکما که آسیا و آفریقا و آوروپاده تیوز سنه قدر مقتدابه طاندیلر . او اطبا که « الحای » کبی علوم طبیعهده مأخذ کل اوتوز جلدلک آثار جسمیه تصنیف ایتدیلر . او مؤرخین که اوزمانه قدر کورلماش فلسفه تاریخ کبی برفن جلیل احداث و تدوین ایلدیلر .

آوروپالیر مستغرق ظلام جهل ایکن مسلمانلر شرق و غرب عالمه افاضه انوار مدنیت ایدیورلر ایدی . وقتیله فرانسه معارف ناظری اولان « دروی » درکه آوروپالیر معارفی ایکنه دلیکندن کوررلر ایکن مسلمانلرک بغدادده، سمرقنده و سائر ممالک و بلدانده رصد خانهلر، مدرسهلر کبی برچوق مائر کالاتی ساحه علم و عرفانه قویمش اولدق لرینی، جهان اسلامیتک علوم و صنایعهده کی ترقی و اعتلا ایلدکلرینی بیان ایلدیکی صرعهده آورده لسان ستایش ایلشدر . ممالک شرقیه پای انداز تجاوز اولان چلیپایلرک اوراده کوردکلری یل دکر منلرینه بیله عجائب عالم نظریله باقرق عودتلرنده مملکتلرنده امثالی وجوده کتورمشلر ایدی . هرون الرشیدک شارلمانه هدیه ایلدیکی غوغوقلی بر ساعت موضوع بولندیغی « توبلری » سراینده ساعت باشی کلوب ده چالیدیغی زمان ایچندن بر شیمک طیشاری یه باش چیقار دیغی کورنجه اوراده مجتمع بولنان خلق « بونده شیطان وار، دیه قاشمشلرایدی . بونلر اوزمان آوروپانک مستغرق بولندیغی جهالتک درکه، سنی اراثة ایدر . بر دیارده غالبه، قوپرنیک مسلکی اوزره ارضک حرکت یومیه سنی فنا اثبات ایتدیکندن طولای دین نامه توبه واستغفاره مجبور ایلدیش اولدیغی حالده، دیکر دیارده امیر المؤمنین مأمون خلیفه، « بنی موسی » دیمکله معروف اوچ قرنلشی بر هیئت موثوقه ایله سنچار صحرا سنه و متعاقباً ارض کوفه یه کوندروب محیط ارض حقنده تدقیقات و تطبیقات اجرا ایتدیرمش ایدی .

یاد ماضیدن، سرد وقائع تاریخیه دن مقصد، اسلافک دور احتشام علم و عرفانیله تفاخر دکل ، اسلامک پابند ترقی اولدیغی هر وسیله دوشدکجه و علی الخصوص ملکک حیاته، ترقی و تعالیسنه متعلق بر امر عظیمه تشبث ایلدکجه ورد زبان اتمکی اعتیاد ایدنش اولانلره بکون خواجه علم و مدنیت عد اولنان غربک عن اصل مدرسه اسلام شاگردانندن اولدق لرینی خاطر لاتمقدر . بو بر جلو قدر درکه هرامت عظیمهده بر فاصله انحطاط ظهوره کلور ، ینه اتباه عمومی ایله امت قدرک بر لطف نوینه مظهر اولور، ینه شان و شوکت ملت اسکی تجلیسی ایله رونما اولور، ینه ملت برخنده شادی ایله تبسم ایدر .

اسلاملر آوروپالیرک تخیل و تصور ایده میه جکلری بر تعصب دین ایله متحرک بر کتله ایش . حقایق احوالی مدرک بولنان آروپا اهل وقوفی نزدنده بو حکم پکده شایان التفات اولسه کر کدر . بونکچون بزبو حکمی ورنلره، یالکز آنلره شوغونه تاریخی اراثة ایدرز: آوروپانک ایکی اوچنده بولنان شرقی رومایمپراطورلنی ایله اندلس دولت امویه سی بر عصرده منقرض اولهرق بشقه الله کچدیلر . اولکیسی بلا شرط، بلا قید تسلیم اولمشیکن طرف غالبک عظیم لطف و عاطفته نائل اولدی . نام فحاشی

آوروپاده « بیوک افندی » دیه یاد اولنان بر جهانگیر دولت حکم مطلقنه هیچ بر فردک اعتراضه جرأتیاب اوله میه جفی زمانلرده بیله رعیده سی اوزرینه جناح مهوت و شفقتنی یایهرق انلری محافظه ایلدی . ایکنجیسی ایسه شروط قطعیه ایله و دین و شرف نامنه ایدیلن عهد و پیمانلر ایله تسلیم نفس ایلدیکی حالده یادی توبلری اورپردن اشکنجدره دوچار اولدی و بر عصر کچمه دن او یوز بیکلرجه یوز بیک بر ملتدن بر تک جان قالمدی . بو حال ملت اسلامیه نک فضائل اخلاقیه سنی اراثة یه کفایت ایدر . چنتمکان سلطان عبدالحمیدخان حضرت تالرینک آغوش لطفنه التجا ایدن مجارلر حقنده کی مهمان نواغانی والی الابد مجارلر ایله عثمانیلر آرهنده جاری اولان حب و وداد دخی بو مقامده فراموش اولنه میه جق خاطر اتدندر . بزوه بو عالمده مشاهده سی نصیب اولان بلاد و امصار نهایت نهایت سالانیک .

ازمیر، بیروت، شام شریف ایش . هر سنه هر فرج عیقندن خطه حجاز یده اجتماع ایدن یوز بیکلرجه حجاج ذوی الابهت حاکم جبل عرفانه « لبیک اللهم لبیک . . » آوازه لری چار اقطار عالمه عکس انداز اولدیغی حالده خطه حجازیه یی براقوبده دمشق الشاهی بزله ایچون منتهای سیر و سیاحت عد ایتمک حکمتنی بر درلو اکلاویه مدق و پایتخت سلطنت سینه دن شامه بحرآ توجیه روی عزیمت ایدنلر ایچون ، ازمیر بیروت شهرلرینک یول اوزرنده بولمق لرینی اسملرینک ذکر نه سبب طوئدق ایسه ده سالانیک شهرینک نه سبب مناسبت ایله اسمی ذکر ایلدیکنه عقلنلر ایزمدی . مکرکه شهر مذکورک بو کره مهد حریت اولسی حسبیله اسمی یاده گلش اولسون .

موسیو ادوار نه زمینده اجاله خامه ایدر سه ایتسون ، سیر و سفر ایله بزم مایه من مخردر . تجار مزدن، علماضدن تا پادشاهلر مزه قدر نیجه اعظم سیر و سفر ایش ، ابن بطوطه و اولیا چلبی کبی نه قدر ذوات رحله لر، سیاحتنامه لر یازمشلردر . تکمله رد المحتارک کتاب . المضاربه سنده بیان ایلدیکی اوزره شرکت مضاربه یه بو عنوانک ویرلمی مضارب طلب ریح ایچون اکثریا روی زمینده سیر و سفر ایتدیکی ایچوندر . عالم ادبیانده قائل جلیل القدری کبی جهانگیر اولان بیت آتی اعظم پادشاهان عثمانیانک نه قدر سیر و سفر ایتدکلرینی بونک حکمت سیاسییه سنی اراثة ایدیور :

این سفر کردن و این بی سر و سامانی ما

هر جمعیت دله باست پریشانی ما

قرآن کریمده اون درت مجلده « سیروا فی الارض » دیه سیر و سفر امر اولمشدر و حتی « ابن السبیل » نفقات و غنائمن سهملر افزاز ایدلشدر .

شوراسنده ترک ، بوراسنده چرکس ، بریسنده صرب ، شویاننده آرناود بولنان قوس قوجه بر قلمر و سلطنتده شو اجناس مختلفه نک بر ارده بر منفعت عامه ایچون چالیسه بیله لرینی موسیوادوار محال اندر محال عد ایدیور سه ده بونلر من الازل بر جهت جامعه مقدسه ایله بری برلرینه اول قدر التحام ایتمشلردر که محال اولان انلرک بر منفعت عامه ایچون چاشملری دکل ، بری برندن آیرملری محال اندر محال اولدیغی کبی سائر وطندا شلر مزده بر آرمق کیلرک منفعتلرینی ترویجه آلت و قربان ایلدکلرینی

جهانگیران ازمان سالفه فی واله و حیران ایدجک بر مرتبه خارقه ده بیوک بیوک خدمت ابلدی .

جمعیت بشریه که شیرازه انتظامی اداره مشروطیت واس اساس انسجامی تعاون و مشورتند و او وجود ذی حیانتک مقصد اهم حریت پرورانه سیده موجودیت شخصیه سنی مقررات مشکل بر اندازانه سنه اقتران ایدن فعلیات ایله اثبات ایدره کسوه مقدسه خلافتله قبله کاه عالم اسلامیت اولان بنای معالی دواتی رکن رکن مشروطیته اسناد و حصن حصین مشورتله مصون الانداس بر شرفه جهان آرایه اعلا واصعاد ایتمکن عبارتند .

بناء علیه مساعی خارقه مذکوره نک حصه دارانیدن بوانان ارباب فیض قلم سناحات فکریه لرندنه پارلایان بر بارقه عرفان ایله مقصد مذکورک نصل بر فکر حریته، نخبه اخوته، امنیه مساواته، جمهوریت مملکته، حصول آسایش و امنیته، توزیع عدالت مستند اولدیغنی دلایل عدیده قناعت افزاسیله ایضاح و اثباتی صدندنه صبح و مسا نغمه طراز منابر اعلان و تفهیم و اصحاب رشد و همده اصول مشروطه اداره نک موافق شرع شریف متین و مقتضای حکم قرآن مبین اولدیغنی مادی و معنوی، عقلی و شرعی براهین قاطعه ایله تأمین ایچون طرف طرف پیرایه بخش کراسی تبلیغ و تعلیم اولدیلر .

نصل اولسونلر که اداره مذکوره حقایق امورک مابه الظهوری اولوب تناصر افکاردن عبارت اولان و جانب جلیل الهمیدن «وشاورهم فی الامر» نظم جلیلله فرمان بیوریلان مشورت اوزرینه مبتنی اولدیغندن موافق عقل و حکمت و عقل و حکمت موافق اولان هر کیفیت ده داخل دایره شریعتند .

بوعبد عاجزده اداره مشروطه ایله توأم اولان و مساوات حقوق تأمین اولنان شونعت عامه حریتک و اساساً انسانلره مخصوص شوموهبه سنیه اخوتک قابل اولدیغنی قدر حسن محافظه سیله ایفای وجیهه شکر و سپاسی نه یولده ممکن اوله بیله جکنک و معاذالله تعالی کفران نعمتله محرومیت ابدیه مظهریت آرتق بردها قابل انحلال اولیه جق بر عقده اسارت دیمک اوله جغندن بویله قورقوج بررؤیا ایله پریشان و معذب اولمقدن ایسه نه صورتله تنه و نصل اسباب و سائطه توسل ایله تیقظ ایتک لازم کله جکنک تصورات عمیق دهشت افزاسیله تضییق فکر و وجدان ایلکده ایکن ناکهان کوش جاننده شونظم آئی قرآن احتشام حقایق اتسامیله معجزه پیرای تبیان و سر منزل مقصود سلامت من کل الوجوه رهنمای رشد و ایقان اولیوردی . استعین بالله

«واعصموا بحبل الله جميعاً...» صدق الله العظيم . نظم جلیل مذکور مدینه منوره و جواری اهل ایسی تشکیل ایدن وزمان جاهلیتده آره لرندنه مقتضای جهل و نادانی تام یوز یکریمی سنه نأره حرب و قتال دوام ایدرک نهایت فیض سر شار اسلامیتله انطفا پذیر صلح و مسالمت و کواکبلرندنه کی عداوت و خصومت ده هجرت سنیه مجدیله ایله مبدل محبت و اخوت اولان اوس و خزرج قبیلتن عظیمتینی حقدنه هرفنازل اولمشدر .

مال منیفی: ای نور توحید و اذعان ایله منور الوجدان اولان اهل

خواب کرانندن اویاغق قبیلندن بر انبناه ایله سنجیده میزان تدقیق ایدره ک انلرده و طنداشلرینه دست و فاق و اخلاصی اوزادوب هپ بردن اویله بر هیئت وطنیه اتحاد تشکیل اولندی که بوهیئت قویمه نک آهنگ عمومی سنی هجج بر افراط پرست و هجج بر القاء خارجی اخلال ایدمه جکنه عکسینی ادما ایلیانلری تطمین ایدر و بیهوده تلاش ایدلماسینی تمنی ایلرز .

خزیننه نک حال حاضرده کی استطاعت مالیه سنی در پیش مطالعه ایدرک بوجهت ایلده ده عالم عثمانیتک تشبث ایلدیکی امر عظیمک نتیجه مسعوده سنه موفقیتنده ترده دوشنلرده وار ، بو ترده هله بتون بتون نایجا . ملکک هر جعتی منابع ثروت ایله مالامال ، هر طرف برکنز لایفی . سرکارده امین و کاردانلر بوانجه یرلی اجنبی نیجه ناموسلی سرمایه داران ظهور ایدر . ملک و ملت نافع شرائط ایله بدل مال ایلرلر ، احوال عمومی مملکتی احاطه ایدنلرجه محتاج برهان دکدرکه تشبثات عمرانیه و اقتصادیه ایله واردات حاضره دولت بر ایکی مثلنی تجاوز ایدر . بش اون کونک بر مضایقه مالیه ملکک حیات سیاسی سنه نسبت ایله هیچدر . بو کون انتظام و استطاعتته بهت و حیرت ایله نکران اولدیغمز فرانسه امور مالیه سی اون التنجی «لوی» زماننده بزم بو کونکی امور مالیه مزدن دهامی منتظم ایدی؟ ذکر اولنان قرال لوی زماننده فرانسه مالیه نظری بولنان «نکر» ک امور مالیه متعلق تنظیم ایلدیکی لائحه مناسبیله مشهور «میرابو» شویله بددعا ایتشیدی : لعنت اولسون او کیسه یه که فرانسه نک بالوجوه نهایت درجه محتاج اولدیغنی اصلاحه موفقیتی مالیه نظری ایچون تمنی ایتمز ! لعنت اولسون او کیسه یه که ملاحظات ذاتیه ویا افکار باطله سنی وطن ایله مساوی طوتار !

ایلول ، ۱۳۲۴ . محکمه تمیز اعضاسندن برکت زاده

اسماعیل هفی

### معجزات قرآنیه

وقنا که مخرب بی امان بلاد و معذب تحمل فرسای عباد اولان باد صرصر استبداد سایه سدره سای توفیق الهمیده انقطاع پذیر اولسیله نسیم جانفزای عدالت دست فطرتک سمیجانه بخش ایتدیکی محاسن فوق العاده سیله بهشت عالم طبیعت اولان مملکت عثمانی اوزرینه وزان اولمغه باشلادی . بر طرفدن ازهار صفائشار اخوت اشکال رنگارنگ دلکشیه نشر رواج حق و حقیقت ، دیگر طرفدن افکار شعشه دار مساوات قوای مدرکه امته افاضه فواج هنر و معرفت ایتمکله حیرت بخش جهانیان اولان شو آهنگ عمومی حریت ذوق آشنایان بزم مدنیتدن هر فرده استعداد و قابلیت نسبتنده توزیع حس و سعی و غیرت و بومساعینک بتون تقراتیه برابر بر نقطه ده ، بر مرکزده اجتماعی و بوضورتله قوای دولتک قابل انحلال اولماز بر درجه ده اتحادینی اقتضا ایدرک ملک و ملتک یکنه استناد کاهی اولوق اوزره فدا کاران امتدن متشکل بر وجود ذی حیانتک حصوله مسیجانه نفع روح همت و بو وجود ذی حیات ایله ده تمامی ایام سلطنته و ترقی شان جلیل خلافته داستان السنه عالمیان اولان